

Til redaksjonen



Pressemelding

4.12.2020

Gulatingslova blir del av Norges dokumentarv

Den eldste kjende og bevarte lovsamlinga i Norden blir i dag del av registeret Norges dokumentarv.

– Dette er både svært gledeleg og på tide. Gulatingslova er det einaste bevarte og komplette mellomalderhandskriftet vi har av ei norsk landskapslov. Ho syner korleis det norske samfunnet var organisert og fungerte i vikingtid og mellomalder. Lova representerer starten på statsdanninga her i landet, seier Stian Davies, som er leiar for hovudutval for kultur, idrett og integrering i Vestland fylkeskommune.

Norges dokumentarv er eit register med dei viktigaste dokumenta i norsk historie, næringsliv, kulturliv og anna samfunnsverksemd. Blant dokumenta finn vi Grunnlova, det eldste brevet i landet frå 1189 og manuskriptet til «Et dukkehjem» frå 1879.

Lang rettstradisjon

Kvart år vurderer komiteen for Norges dokumentarv kva dokument som blir innskrivne i registeret. Anne Hopland er dagleg leiar for Gulatinget, og i år var andre gongen ho nominerte Gulatingslova. Første gongen var i 2018.

– Det er ein merkedag når Gulatingslova no blir del av Norges dokumentarv. Eg håpar dette kan gjere nordmenn meir bevisste på den lange rettstradisjonen Noreg har. Vi er eit land som var tidleg ute med å etablere eit samfunn som var tufta på lov og rett, fortel Hopland.

Ho legg til at ho neste år ønskjer å nominere lova til Memory of the World-registeret til Unesco, som er eit register for verdas dokumentarv.

[Les heile saka og sjå bilde på nettsida til Vestland fylkeskommune.](#)

Om de ønskjer bilde i høgere oppløysing, ta kontakt med birthe.finstad@vlfk.no.

Kontaktpersonar

Stian Davies, leiar for hovudutval for kultur, idrett og integrering i Vestland fylkeskommune, tlf. 93 62 06 74

Anne Hopland, dagleg leiar for Gulatinget, tlf. 97 52 40 98

Jørn Øyrehagen Sunde, professor i rettshistorie ved Universitetet i Oslo, tlf. 90 54 41 37